



Broj: 05-30-1-1029/24
Sarajevo, 28.11.2024. godine

Na osnovu člana 60. Zakona o organizaciji organa uprave u Federaciji Bosne i Hercegovine („Službene novine Federacije BiH“ broj: 35/05), člana 28. Zakona o oduzimanju nezakonito stečene imovine krivičnim djelom FBiH („Službene novine Federacije BiH“, broj 71/14), te člana 34. Zakona o radu Federacije Bosne i Hercegovine („Službene novine Federacije BiH“, br. 26/16, 89/18, 23/2020 – odluka Ustavnog suda, 44/22 i 39/24) v.d. direktor Federalne agencije za upravljanje oduzetom imovinom d o n o s i

ODLUKU

o objavljivanju Javnog konkursa za prijem lica na stručno osposobljavanje bez zasnivanja radnog odnosa u Federalnoj agenciji za upravljanje oduzetom imovinom

I

Ovom odlukom određuje se provođenje postupka raspisivanja Javnog konkursa za prijem lica na stručno osposobljavanje bez zasnivanja radnog odnosa u Federalnoj agenciji za upravljanje oduzetom imovinom (u daljem tekstu Agencija).

II

Prijem lica radi stručnog osposobljavanja bez zasnivanja radnog odnosa u Agenciji, provodi se u cilju stručnog osposobljavanja nakon završenog školovanja visoke stručne spreme, odnosno u cilju sticanja radnog iskustva kao uslova za polaganje odgovarajućeg stručnog ispita.

III

Javni konkurs za prijem lica na stručno osposobljavanje bez zasnivanja radnog odnosa u Agenciji, raspisuje se za:

- Lice sa VSS/VII stepenom stručne spreme ili visokim obrazovanjem prvog, drugog ili trećeg ciklusa Bolonjskog sistema studiranja koje se vrednuje sa najmanje 180 ECTS bodova – diploma visokog obrazovanja – pravne ili upravne struke, ekonomski fakultet ili drugi fakultet društvenog smjera 2 izvršioca

IV

Prijem lica na stručno osposobljavanje bez zasnivanja radnog odnosa vrši se na određeno vrijeme u trajanju od 12 (dvanaest) mjeseci.

Licu na stručnom osposobljavanju bez zasnivanja radnog odnosa pripada pravo na naknadu u skladu sa članom 26. Zakona o plaćama i naknadama u organima vlasti Federacije Bosne i Hercegovine („Službene novine Federacije BiH“, br. 45/10, 111/12 i 20/17), koji propisuje da volonteri visoke stručne spreme u organu državne službe imaju pravo na naknadu u iznosu od 35% od osnovne plaće stručnog saradnika.

V

Opći i posebni uslovi, zatim način podnošenja prijave, procedura prijema i sl. detaljno će se propisati tekstem Javnog konkursa koji čini sastavni dio ove odluke.

VI

Proceduru prijema lica na stručno osposobljavanje bez zasnivanja radnog odnosa provest će Komisija za provođenje Javnog konkursa za prijem lica na stručno osposobljavanje bez zasnivanja radnog odnosa u Federalnoj agenciji za upravljanje oduzetom imovinom, koju će posebnim rješenjem imenovati direktor Agencije.

VII

Skraćeni oglas javnog konkursa objavit će se u jednom dnevnom listu koji se distribuira na cijelom području Bosne i Hercegovine, a cjelokupan tekst Javnog konkursa objavit će se na web stranici Agencije.

Skraćeni tekst i puni tekst javnog konkursa čine sastavni dio ove odluke.


VIII

Direktor Agencije zadržava pravo da poništi ovaj javni konkurs u bilo kojoj njegovoj fazi, izuzev nakon konačnosti odluke o izboru kandidata.

IX

Odluka stupa na snagu danom donošenja.

Izradio: E.H.
Kontrolisao: A.Z.



Dostaviti:

- Oglasna tabla
- a/a.



BOSNIA AND HERZEGOVINA
FEDERATION OF BOSNIA AND HERZEGOVINA
SEIZED PROPERTY MANAGEMENT
AGENCY OF THE FEDERATION OF
BOSNIA AND HERZEGOVINA

Broj: 05-30-1-___/24

Sarajevo, 28.11.2024. godine

Na osnovu člana 60. Zakona o organizaciji organa uprave u Federaciji Bosne i Hercegovine („Službene novine Federacije BiH“ broj: 35/05), člana 28. Zakona o oduzimanju nezakonito stečene imovine krivičnim djelom FBiH („Službene novine Federacije BiH“, broj 71/14), te člana 34. Zakona o radu Federacije Bosne i Hercegovine („Službene novine Federacije BiH“, br. 26/16, 89/18, 23/2020 – odluka Ustavnog suda, 44/22 i 39/24) v.d. direktor Federalne agencije za upravljanje oduzetom imovinom o b j a v l j u j e

JAVNI KONKURS
za prijem lica na stručno osposobljavanje bez zasnivanja radnog odnosa u
Federalnoj agenciji za upravljanje oduzetom imovinom

PREDMET JAVNOG KONKURSA

Federalna agencija za upravljanje oduzetom imovinom objavljuje Javni konkurs za prijem lica na stručno osposobljavanje, bez zasnivanja radnog odnosa, i to:

- Lice sa VSS/VII stepenom stručne spreme ili visokim obrazovanjem prvog, drugog ili trećeg ciklusa Bolonjskog sistema studiranja koje se vrednuje sa najmanje 180 ECTS bodova – diploma visokog obrazovanja – pravne ili upravne struke, ekonomski fakultet ili drugi fakultet društvenog smjera.....2 izvršioca

Pravo prijave imaju kandidati koji nemaju ostvaren radni staž, niti radno iskustvo u trajanju od jedne godine ili više nakon stečenog visokog obrazovanja na poslovima sa visokom stručnom spremom. Puni tekst javnog konkursa nalazi se na zvaničnoj web stranici Federalne agencije za upravljanje oduzetom imovinom <http://fazuoi.gov.ba/>

Napomena:

Potpisane prijave sa traženom dokumentacijom dostavljaju se u zatvorenoj koverti najkasnije do 15. decembra 2024. godine.

